



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Sabina Ćudić

Zastupnica u Zastupničkom domu Parlamenta Federacije Bosne i Hercegovine

Broj: 11/19

Sarajevo, 04.01.2019.

Dostaviti:

Bosna i Hercegovina
Federacija Bosna i Hercegovina
Parlament Federacije BiH – Zastupnički dom
n/r Elvir Karajbić, predsjedavajući

PREDMET: AMANDMAN NA PRIJEDLOG BUDŽETA FEDERACIJE BIH ZA 2019. GODINU

Poštovani,

Na osnovu člana 195. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), dostavljam amandmane na Prijedlog budžeta Federacije BiH čiji je predlagač Vlada Federacije BiH.

AMANDMAN I

U Članu 3. Prijedloga, ekonomski kod 6141 „Tekući transferi drugim nivoima vlasti i fondovima“, dodaje se stavka „Tekući transfer kantonima za sufinansiranje naknada porodiljama i trudnicama, sa ciljem izjednačavanja naknada nezaposlenim porodiljama i trudnicama u svim kantonima u iznosu do 180,00KM u prvih šest mjeseci života novorođenčeta“, u iznosu od 8.195.250,00KM.

U istom članu Prijedloga, ekonomski kod 6111 „Bruto plaće i naknade plaća“ stavka se umanjuje za 7.457.385,60KM.

U istom članu Prijedloga, ekonomski kod 8212 „Nabavka građevina“, stavka se umanjuje za 737.864,40KM.

OBRAZLOŽENJE:

Uprkos najavljenim mjerama Vlade FBiH i Federalnog ministarstva rada i socijalne politike za osnivanje porodiljskog fonda Federacije Bosne i Hercegovine, do sada nije sistemski riješeno pitanje statusa nezaposlenih i zaposlenih porodilja, niti su ujednačena prava porodilja na čitavoj teritoriji Federacije Bosne i Hercegovine.

Svi kantoni različito rješavaju pitanje porodiljskih naknada te tako porodilje ostvaruju različita prava na osnovu mjesta prebivališta. Najugroženiju kategoriju predstavljaju nezaposlene

porodilje. Kao posljedica nejednakih naknada evidentirana su kretanja porodilja iz onih kantona u kojima ne ostvaruju nikakve naknade u kantone u kojima se naknade isplaćuju. Istovremeno natalitet u Federaciji Bosne i Hercegovine je u konstantnom padu. Usvajanjem i provedbom ovog amandmana izjednačavamo naknade svih nezaposlenih porodilja u Federaciji Bosne i Hercegovine u toku prvih šest mjeseci djetetovog života. Ovaj amandman predstavlja interventnu, hitnu mjeru, koja se sprovodi do osnivanja Porodiljskog fonda FBiH.

Sredstva su predviđena za nezaposlene porodilje u iznosu od 180,00KM mjesečno za prvih šest mjeseci djetetovog života – što čini izjednačavanje sa najvisočijim primanjima za ovu kategoriju u Federaciji, kakva su u Kantonu Sarajevo. Pravo na ova sredstva imaju kantoni čije porodilje primaju naknade u iznosu manjem od 180,00KM u trajanju šest mjeseci ili kraćem.

Obzirom da Vlada ovim budžetom za 2019. godinu planira povećanje plata za 4,5%, za 7294 državna službenika, te imenovane i izabrane dužnosnike, dolazimo do minimalnog povećanja budžeta za ovu stavku u iznosu od 7.457.385,60KM. Istovremeno iznos ovog povećanja predstavlja 91% neophodnih sredstava za izjednačavanje naknada za nezaposlene porodilje u prvih šest mjeseci djetetovog života.

Smatram da prije regulisanja statusa najugroženijih kategorija stanovništva u Federaciji Bosne i Hercegovine, kakve su i nezaposlene porodilje, ne postoji političko, ekonomsko i moralno opravdanje za povećanje plata državnim službenicima, izabranim i imenovanim dužnosnicima u Federaciji Bosne i Hercegovine.

S poštovanjem,

S. Ćudić

Sabina Ćudić

Zastupnica u Zastupničkom domu Parlamenta Federacije BiH

Naša stranka

